



kal.komp.

19683(a-d)

Mon. St. Dr.

P

Biblioteka Jagiellońska



stdr0004264




19683


Hist. nat. 3111

XXIII. 1. 78.

VI. i. 60. a. 6.

327





DECIWA
CLERI SECVLARIS
IN IVDICIO
SACRÆ CONGREGATIONIS

Eminent^{rum} Concilij Tridentini Interpretum

CONTRA EXEMPTIONES

Patrum Soc: Romæ Vindicata.

Tandem in Regno Poloniæ


PER

IOANNEM MARKIEWICZ I.V.D.

Canonicum Posnaniensem, S. Iacobi Præpositum,
Et S. R. M. Secretarium.

ANTEA DEFENSA,

*Nunc ad effectum Executionis debitæ
Accommodata.*



1.9.27
CRACOVIAE,

M. DC. XLVII.

Imprimatur.

IACOBVS VSTIENSIS
S. Theologiæ & I. V. Doctor,
In Diœcesi Cracouiensi
Librorum Censor.

19683(6)I

CRACOVIA
MDCCXLIV

DECIMA VINDICATA.

Pag. 3.



Xemptio Regularis, aliàs diuersimodè in Iure contemplari solita, iam nunc Patrum Societ: ad eam deuenerat existimationem, vt Bullis Summorum Pontificum priuilegiata, & pluribus S. Rotæ Romanæ Decisionibus canonifata, extra controuerfiam remaneret, & ampliùs de Priuilegijs eorundem disputare, vanus labor, & inutilis opera iudicaretur. Probanda tamen erat fortuna, & post infelices aliquot conflictus, non desperandum de victoria; quin imò tentandum erat extremum certamen, cùm nobis Iura, & Sacri Canones validum præberent succursum, & Sorbona Parisiensis, in sua nostri laboris Censura, Iustitiæ & æquitatis fidem interponeret. Nostri itaq; Deo adiuuante rationibus, & ad Instantiam totius Cleri, per suum Oratorem Romæ effectum est, vt causa Decimarum, *iam damno nostro per Rotam decisa*, iterum discutienda, S. Congregationi Eminentiss. Concilij Tridentini Interpretum, à S.D.N. Innocentio Papa X. committeretur. Quo successu & felicitate negotium peractum sit, & Sententia S. Congregationis, & Approbatio Sedis Apostolicæ, ad nostrum fauorem declarat, eo quo sequitur tenore.

1.

2.

B R E V E

De soluendis Decimis per Regulares.

INNOCENTIVS PP. X.

Ad futuram rei memoriam.

3. **N**Vper pro parte Venerabilium Fratrum, Archiepiscoporum, & Episcoporum, nec non dilectorum Filiorum totius Cleri Regni Poloniae, per dilectum etiam Filium Matthæum Ioannem Iudicki Archidiaconum Pomeraniae nuncupatum in Ecclesia Vladislauiensis, eiusdem Cleri in Curia Romana Agentem, quod alias, & sub die decima septima Iunii, Anni proximè præteriti M. DC. XXXV. in Causa Decimarum eiusdem Regni à Venerabilibus etiam Fratribus nostris S. R. E. Cardinalibus, Sacri Concilij Tridentini Interpretibus, emanauit Decretum, quod nos subinde sub die xxxi. mensis Iulij, eiusdem Anni, in Consistorio nostro secreto approbauimus, tenoris qui sequitur, videlicet. *In Causa Decimarum Regni Poloniae die 17. Iunii, 1645. Sacra Congregatio Eminentiss. Cardinalium, Concilij Tridentini Interpretum, iterum atq; iterum, auditis Regularibus, & præcipue Patribus Societatis, eorumq; Iuribus & Priuilegijs maturè discussis, censuit, ab eisdem Patribus, & alijs Regularibus soluendas*
- 4.

das esse Parochis, & alijs Beneficiatis Regni Poloniae De- p.5.
cimas, quæ soluebantur à Laicis, priusquam Bona in ipso-
rum Patrum, & aliorum Regularium, proprietatem fuerunt
translata; firmis tamen remanentibus Transactionibus desu-
per factis. Quod Decretum emanauit præuia ex- 5.
hibitione facta ab ipsis Patribus, cui etiam De-
creto postea consenserunt, prouti & Agens Cleri
Regni Poloniae. Die verò 31. Iulij, 1645. Sanctif-
simus Dominus Noster, Eminentissimo Cardi-
nali Præfecto referente, in Consistorio appro-
bauit. Cùm autem sicut eadem expositio sub- 6.
iungebat, exponentes præfati Decretum præin-
sertum, quo firmitus subsistat, & exactius obser-
uetur, Apostolicæ nostræ Confirmationis patro-
cinio communi summo perè desiderent. Id- 7.
circò nos eosdem exponentes specialibus fauori-
bus, & gratijs prosequi volentes, & eorum singu-
lares personas à quibusvis Excommunicationis,
suspensionis, & Interdicti, alijsq; Ecclesiasticis
sententijs, Censuris, & poenis, à Iure vel à Homi-
ne quauis occasione, vel causâ latis, si quibus
quomodolibet innodatae existunt, ad effectum
præsentium duntaxat consequendum, harum
serie absoluentes, & absolutas fore censentes,
Supplicationibus illorum nomine Nobis super hoc humiliter 8.
porrectis

p. 6. porrectis inclinati, Decretum præinsertum Apostolicæ Au-
thoritate tenore præsentium confirmamus, & approbamus,
illiq; inuiolabilis Apostolicæ firmitatis robur adijcimus, &
omnes ac singulos tam Iuris quàm Facti defectus, si qui de-
super quomodolibet interuenerint, supplemus, saluâ tamen
semper Auctoritate Congregationis eorundem Cardina-
lium, decernentes præsentis literas validas, firmas, & ef-
ficaces, existere, & fore, suosq; plenarios, & integros effe-
ctus sortiri & obtinere, & ab omnibus & singulis quos illæ
concernunt, inuiolabiliter & inconcussè obseruari, sicq; per
9. quoscunq; Iudices Ordinarios & Delegatos, etiam Causa-
rum Palatii Apostolici Auditores, iudicari, & definiri
debere, ac irritum & inane, si secus super his à quo-
quam, quauis Auctoritate, scienter vel ignoranter con-
10. tingerit attentari. Quocirca Dilecto Filio Nostro,
& Sedis Apostolicæ in eodem Regno pro tem-
pore commoranti Nuncio, per præsentis com-
mittimus, & mandamus, quatenus ipse per se, vel
alium, seu alios, præsentis literas, & in eis con-
tenta quæcunq; , ubi & quando opus fuerit, ac
quoties pro parte exponentium præfatorum, seu
alicuius eorum desuper requisiti fuerint, solenni-
ter publicatis, eisq; in præmissis efficacis defensionis
præsidio assistens, faciat Auctoritate Nostra, illos præmis-
sorum omnium commodo, & effectu pacificè frui, & gau-
dere. Non permittentes illos desuper à quoquâ
quauis Auctoritate quomodolibet molestari.

Contradi-

Contradictores quoslibet & rebelles, ac præmissis non pa- p.7.
rentes, per Censuras & pœnas Ecclesiasticas, aliâq; oppor- II.
tuna Iuris & Facti remedia, Appellatione postposita, com-
pescendo, legitimisq; super his habendis seruatis Processibus,
sententias, Censuras, & pœnas ipsas, etiam iteratis vicibus
aggrauando. Inuocato etiam ad hoc, si fuerit opus, auxilio
Brachij secularis. Non obstantibus quatenus opus 12.
fit felicitis recor: Bonifacij Papæ VIII. Prædecesso-
ris nostri de vna, & in Concilio Generali edita de
duabus Dietis, dūmodo vltra tres Dietas aliquis
Authoritate præsentium in Iudiciū non trahatur,
alijsq; Constitutionibus & Ordinationibus Apo-
stolicis, nec nō ipsius Societatis, aliorumq; Regu-
larium Ordinum, etiā Iuramento Confirmatio-
ne Apostolica, vel alia quauis firmitate roboratis,
statutis, & consuetudinibus, Priuilegijs quoq; &
Indultis, & literis Apostolicis, ipsi Societati, alijsq;
Regularibus Ordinibus seu Institutis præfatis, il-
lorumq; Domibus etiam Professis, Collegijs, Mo-
nasterijs, & alijs locis Regularibus, sub quibus-
cunq; verborum tenoribus, & formis, ac cum
quibusuis etiam Derogatorijs Derogatorijs,
alijsq; efficacioribus, & insolitis clausulis, irritan-
tibusq; & alijs Decretis in Genere, vel in Specie
in contrarium præmissorum quomodolibet cō-
cessis,

- p. 8. celsis, confirmatis, & innouatis. Quibus omnibus
13. Et singulis, etiamsi de illorum eorumq; totis tenoribus specialis, specifica, expressa, Et indiuidua, ac de verbo ad verbum, non autem per Clausulas Generales, idem importantes mentio, seu quæuis alia expressio habenda, aut aliqua alia exquisita forma, ad hoc seruanda foret; illorum omnium Et singulorum tenores presentibus, pro plenè Et sufficienter expressis habentes, illis aliàs in suo robore permanfuris, ad præmissorum effectum specialiter Et expressè derogamus: ceterisq; contrarijs quibuscunq;. Datum Romæ apud Sanctum Petrum sub Annulo Piscatoris, die 21. Februarij, 1646. Pontificatus nostri Anno 2.

M. A. Maraldus.

Discursus de istius Breuis Executione.

14. **L**eges Sacratissimæ intelligi ab omnibus debent, ut uniuersi præscripto earum manifestius intellecto, prohibita declinent, Et faciant præcepta. L. Leges Sacratissimæ. C. De Legib⁹. Quot notat Suarez. lib. I. c. II. n. 3. De Legib⁹.
15. Quod superius Breue Pontificium, cum habeat vim legis inter illos, inter quos concessum est. Decius in cap: Et quoniam. de Rescriptis. n. 4. Et 6. Iam hoc Romæ iustificatum, & in Polonia publicatum, exequendum est: cum illius executione, Exceptiones etiã requirentes altiore indagine, non impediunt. iuxta Rotam in Feretrana Vnionis. 20. Nouembr. 1636. coram Buccabella.
16. Et ne temeritas peruadentium legem sibi posse putet generari, si sceleri suo pertinaciam Retentionis adiungat:
Ideo

Ideo Pontifex quæ decreuit impleri cupit, & formam p. 9.
quæ sit sequenda præscribit. c. *Licet.* 16. q. 3.

Dubitatio I.

CVm Breue superscriptum habeat vim Legis, Legis 17.
natura est, vt respiciat futurum, & non præteri-
tum, & ita Causa Parochi Loci Golambie, cum sit de
præteritis, vigore ipsius euinci non potest. iuxta L. 7.
C. *De Legibus.*

Responsio.

PLeriq; partem aliquam Legis, cum pro Regula di- 18.
dicerint, quid Lex amplius dicat, quomodo seipsam
distinguat, aut quid excipiat, non animaduertunt: Ideo
totam Legem de hoc futuro tractantem, hic exprimen-
dam duxi, quæ est talis. *Leges & Constitutiones futuris
certum est dare formam negotijs, non ad facta præterita re-
uocari: nisi nominatim & de præterito tempore, & adhuc
pendentibus negotijs cautum sit.* lib. I. C. *De Legibus.*
Et ita videmus primam partem legis dare formam fu-
turis negotijs; secundam verò etiã ad præterita reuo-
cari, si *Negotia pendencia sint.* Cuius generis Causã Ple-
bani Loci Golambie, & omnes alias esse, nemo dubitat.

Prioris Legis, gl. v. *Cautum sit.* ostendit nobis aliã 19.
Legem præterita respicientem, quam hic ponendam
duxì, quia feruit ad nostram materiam, cuius verba
hæc sunt. *Privilegia quæ Generalibus Constitutionibus
vniuersis Sacrosanctis Ecclesiis Orthodoxæ Religionis re-
tro Principes præstiterunt, firma & illibata in perpetuum
decernimus custodiri.* Omnes sanè pragmaticas sanctiones,

p. 10. quæ contra Canones Ecclesiasticos, interuentu gratiæ, vel Ambitionis elicitæ sunt, robore suo & firmitate vacuatas, cessare præcipimus. L. Priuilegia. C. De Sacrosan: Eccl.

20. Concordat in hac materia Legibus Imperatorijs Ius Canonicum, cum dicit: *Leges & Constitutiones trahuntur ad futura tantum, & non ad præterita, nisi sint Iuris Naturalis, quia tunc respiciunt etiam præterita; vel nisi in ipsa Lege vel Constitutione nominatim caueatur, quod trahatur ad præterita. cap: fin: & ibid: gl: fin: De Constitut. Quod ita in supradicto Breui cautum esse nemo dubitat, qui legit à Patribus Soc: soluendas esse Decimas Parochis, & alijs Beneficiatis, quæ soluebantur à Laicis, priusquam Bona in ipsorum proprietatem sunt translata: firmis remanentibus transactionibus desuper factis, &c. Quæ omnia verba, cum indicent præteritorum respectum, non est attendendum ad futura, nisi prius præterita recuperemus; quis enim futuras Decimas speraret, nisi præteritas posset exigere? Et hoc vel maximè procedit in materijs in Iudicium deductis, quæ semper sunt de præteritis. *L. Non potest. ff. De Iudicijs. vbi gl. v. Non potest. ad præterita respicit, & non ad futura. Imò Rescriptum ad Lites, qui vellet extendere ad futura Negotia, carere deberet commodo Rescripti, & in expensis esset condemnandus. Daoyz. Ind. Iur. Eccl. v. Rescriptum. allegans. cap. fin. & ibid. gl. 1. & gl. Ad futuras. De Rescriptis.**

22. Et in nostro casu, Decretum irritans appositum in Breui, talis est efficaciam, vt per illud inficiatur omnis Actus contrarius. *Rota Decis. 618. n. 24. in nouiss: apud Rubeum.*

Rubeum. Nam Decretum irritans, quod est apposi- p. 11.
tum in dicto Breui, habet oculos retro, & operatur nul-
litate usque ab ipso initio, habens pro infectis omnes A-
ctus præteritos. *Rota Decis. 666. n. 2. § 3. apud Farin.* al-
legans super hoc puncto multas Doctorum Authoritates.

*Atque ita ex his rationibus nostrum Breue loquitur non
de futuris Contingentibus, sed de præteritis Casibus.*

Dubitatio II.

EX quo Rota iam aliquoties hanc Causam ad fauo- 23.
rem Patrum Soc: iudicauit, & in Decreto seu literis
Executorialibus S. R. Maiestati, & alijs Principibus, seu
Magistratibus sæcularibus directis, declarauit Patrum
Soc: de non soluendis Decimis Priuilegia esse extra
omnem controuersiam, simulque inhiuit, sub pœnis &
Censuris Ecclesiasticis grauissimis, contra omnes &
singulos fulminatis, quicumque Decreto Rotali in eadem
Causa contrauenire, aut eidem auxilio, consilio, aut
fauore patrocinari auderent, &c. proinde apud nos
hæc eadem Causa ob metum pœnarum amplius resu-
scitari, & iudicari non potest. Vt latè habetur in iisdem
literis Executorialibus: *sub Data Romæ apud S. Petrum,
die Lunæ 9. Men. Decemb. 1641.*

Responsio.

S. Rotæ Romanæ summam Authoritatem veneror, 24.
& iure merito, cum in illo Sacro & primo Tribunali
& Urbis, & Orbis, omni tempore resederint omnium
Gentium Christiani Orbis selectiores Iurisconsulti. *Vb*

p.12. *testatur Illustriſſ. D. Urbis Senator in Deciſ. Romana Societatis officiũ. 1638. ad finem.* Quin imò moleſtè fero, & ijs, quorum intereſt, vitio verto, quod etiam Polonia in hoc Tribunali locum antea poſſeſſum recuperare non cogitet, quod quàm nobis ſit neceſſarium, & honorificum, inſinuaui in mea Decima Deſenſa. n. 226.

25. Sed ſaluâ eius Authoritate, in noſtro Caſu Patrum Soc: cum Plebano Loci Golambie, Dico ita ſe habere Decretum Rotæ, prout ſe habet Iudicis Inferioris ſententia nulla, à qua eſt appellatum ad Superiorem.

26. De Appellatione conſtat. *Primò.* per viam Proteſtationis publicæ, de nullitate & inualiditate iſtius ſententiæ, vt habetur in Libello meo typis impreſſo, cui Titulus, *Decima Cleri Secularis in Regno Poloniae deſenſa.* Vbi vide per totam & ſignanter ſub n. 224.

27. *Secundò.* conſtat de Appellatione, per viam ſupplicationis SS^{mo}. vniuerſi Poloniarũ, & M. D. Lithuaniae Cleri, cum eo effectũ, vt Cauſa Decimarum cum Patribus Soc: ad eorum malam informationem iam per Rotam deciſa, iterum diſcutienda S. Congregationi Eminentiff. Concilij Tridentini Interpretum fuerit commiſſa. Quæ S. Congregatio, vt in Breui continetur, *Iterum atq; iterum auditis Regularibus, & præcipuè Patribus Soc: eorumq; Iuribus & Priuilegijs maturè diſcuſſis, cenſuit ab eiſdem Patribus, & alijs Regularibus, ſoluendas eſſe Decimas, &c.*

28. Non obſtat, quod in prædicto Breui non habeatur mentio Deciſionum Rotæ in iſta Cauſa. Quia licet non nomine, Re ipſâ tamen prænominatæ Deciſiones reuocatæ

reuocatæ sunt, & annullatæ: *Quod ita probatur.* Rota p.13.
cùm iudicaret nostras Decimas, vnâ tantùm parte in-
formante, dixit Domus, & Collegia Soc: Iesu, in vim
Indultorum Apostolicorum esse Exempta, & immunia,
à quacunq; Decimarum solutione; idq; pluries in illo
S. Tribunali fuisse discussum, & canonisatũ. Et in spe-
cie in alia Cracouieñ. corã Cardinali Seraphino, quod
vide expressum in mea Decima defenfa. n.137. & n.138.

E contra S. Congregatio Eminentiss. Cardinalium,
Concilij Tridentini Interpretum, Iterum atq; iterum 29.
auditis Regularibus, & præcipuè Patribus Soc: Iesu, eo-
rumq; Iuribus & Priuilegijs maturè discussis, censuit
ab eisdem Patribus, & alijs Regularibus, soluendas esse
Parochis, & alijs Beneficiatis Regni Poloniae Decimas,
quæ soluebantur à Laicis, priusquam Bona in ipsorum
proprietaem fuerunt translata. *Die 17. Iunii, 1645.*

Item 4. Iulij de Anno 1640. R. P. D. Cerrus ita di-
xit. Sub die 21. Maij proximè præteriti; Rota coram 30.
me censuit, Concordiam non suffragari Plebano Loci
Golambie, super Iure Decimandi Bona Collegij SS. A-
postolorum Petri & Pauli Soc: Iesu Cracouieñ. Quia
ex deductis in Decisione, Exemptio Collegiorum Soc:
Iesu; remanet extra controuersiam, & apparet Transa-
ctionem super Decimis per Rectorem tunc temporis
factam, esse rescindendam, nec viribus subsistere: Ex
defectu Beneplaciti Apostolici, Iustæ Causæ, Faculta-
tis Rectoris super ijs, nec minus super Iuribus ad Col-
legium spectantibus transigendi. Non obstante quod 31.
interuenerit consensus ac licentia P. Prouincialis, cùm

p. 14. ista facultas resideat in scrinio pectoris Reuerendiss: Generalis supremi & absoluti Moderatoris totius Religionis, vt latè fuit comprobatum in Decisione. Et ita vnâ tantum parte Informante, &c. *Quod legitur supra in mea Decima Defensâ. n. 149. vsq; ad finem.*

32. E contra S. Congregatio Eminentiss: Cardinalium Concilij Tridentini Interpretum, Iterum atq; iterum auditis Regularibus, & præcipuè Patribus Soc: Iesu, eorumq; Iuribus & Priuilegijs maturè discussis, ab iisdem soluendas esse Decimas &c. firmis remanentibus Transactionibus desuper factis, iudicauit.

33. Atq; ita manifestè ad oculum videmus, Rotæ Decisiones in Causa nostra Decimarum cum Patribus Soc: esse reuocatas, & annullatas. Cùm enim S. Congregatio dixit, se ita censuisse, Iterum atq; iterum auditis Patribus Soc: Iesu, eorumq; Iuribus & Priuilegijs maturè discussis, &c. Nemini in dubium venire potest, quin Patres Soc: Iura & Rationes Decisionum Rotæ, pro ultimo præsidio allegauerint; quibus tamen non obstantibus, S. Congregatio censuit esse soluendas Decimas, & Transactiones obseruandas.

34. Et ita ne inter Decreta Rotæ, & hoc Decretum S. Congregationis, aliqua oriretur controuersia, dum Patres allegarent pro se Decreta Rotæ, Clerus verò Poloniæ Decretum S. Congregationis: præsertim cùm Decisiones Rotæ sint maximæ Authoritatis, quæ plerumq; ostendunt Bonum Ius partis. *Vt apud Gregorium XV. Decis: 524. n. 4. & Decis: 34. n. 3. in nouiss: apud Rubeum.* Optimè futuris temporibus prouisum est, quod superius

rius Decretum S. Congregationis, quo firmitus sub-
stat, & exactius obseruetur, Apostolicæ Confirmationis
Patrocinio confirmatum est; cum Clausulis amplissi-
mis, cum Decreto irritanti, Non obstantibus contrarijs
quibuscunq; quæ omnia Papa voluit haberi pro suffici-
enter expressis. Quæ Clausulæ ita perficiunt Actum, ut am-
plius in eo nihil possit desiderari. *Rota in una Vercellen-
Membri. 26. Maij, 1634. coram Panzirolo. n. 20. vsq; ad finem.*

Quæ cum ita se habeant, vanus timor erat aliquo-
rum, qui in tam iusta Causa Plebani Loci Golambie, ve-
rebantur sententiæ Rotali contrauenire, ob Censuras,
& alias poenas Ecclesiasticas, in illius Processu commi-
natas, &c. Non potest enim inferior impedire Potesta-
tem Superioris. *Sbrozz: De Vicar: Episc: lib: 2. quest: 39.*
Cum Potestas Inferioris dependeat ab ipsomet Papa,
nec inferior possit se ingerere, vbi Papa manus appo-
suit. *Rota in una Valentina Canoniciatus. coram Coccino.*
Decis: 225. n. 12. in nouiss: apud Rubeum. Cum ergo Decre-
tum S. Congregationis in Causa nostra Decimarum,
Authoritate Summi Pontificis Innocentij X. sit confir-
matum, non potest per inferiores mutari, aut infirmari.
Quod enim Papa confirmat, nemo infirmat, ut inquit
Baldus. in L. Rescripta. n. 4. C. De Prec: Imper: offeren:
Dec: in cap: Cum accessissent. n. 44. De Constitut. Rota in
una Meleutana Commenda. De Mazara. die Veneris 23.
Iunij, 1634. coram Merlino.

Dubitatio III.

Cum S. Congregatio Eminentiss. Cardinalium Con-
cilij Tridentini Interpretum, censuerit, à Patribus
Soc:

p. 36. Soc: & alijs Regularibus soluendas esse Parochis, & alijs Beneficiatis Regni Poloniae Decimas, quæ soluebantur à Laicis, priusquam Bona in ipsorum Patrum, & aliorum Regularium proprietatem fuerunt translata, non modicæ difficultatis oriri posset quæstio, si constaret per Authentica scripturæ Instrumenta, aliquos Laicos non manipulare Decimam soluere, sed exiguâ pecuniâ compensare solitos esse. An etiam Patres Soc: & alij Regulares, eodem modo possent negare Decimam manipulare, & simili pecuniâ exolvere, allegando hunc esse sensum Decreti S. Congregationis, & Confirmationis Apostolicæ.

Responsio.

39. **V**ERBA Rescripti, plerumque quando loquuntur de Facto, intelliguntur etiam de Iure, & ista Conclusio procedit, quando Verba Generalia sunt, & eadem ratio sit, siue aliquid fiat de Facto, siue de Iure. *Decius in cap: Sciscitatus. n. 11. De Rescriptis.* Et Papæ Intentio talis præsumitur; qualis de Iure debet esse. *Rota Decis: 96. n. 5. apud Farinacium.* quæ maximè colligitur ex Clausulis, & Derogationibus amplissimis. *Rota Decis: 464. n. 12. § 14. coram Remboldo, apud Rubeum in nouiss:* Vnde cum Papa in suo Breui suppleuerit omnes & singulos Iuris & Facti defectus, & S. Congregationis eorundem Cardinalium voluerit semper saluam esse authoritatem, sententiâ ipsius Congregationis, idem erit soluere de Facto Decimas, & ad easdem soluendas obligatum esse de Iure. Quod manifestè constat ex alia sua Responsione Illustrissimo D. Episcopo Cracouiens.
- 40.

Cracouiē. piæ mem: Iacobo Zádzik, non adeò pridem p.17.
de Priuilegijs Patrum Soc: & aliorum Regularium S.
Congregationem consulenti: Cui his verbis rescripsit.

*S. Congregatio Eminentiss: Cardinalium Concilij Tridentini In- 41.
terpretum sapius censuit, Bona & prædia huiusmodi Decimarum solu-
tioni obnoxia, ad Regulares transire cum onere suo; ac proinde Regu-
lares teneri illas soluere Parochialium Ecclesiarum Rectoribus, quem-
admodum tenebantur Laici prius, quàm Bona ipsa in ipsorum proprie-
tatem transfulerunt.*

Ioan: Bapt: Pamphilius.

Franciscus Paulucius S. C. C. Secretar.

Quo stante, cùm Summus Pontifex S. Congregationis 42.
Authoritatē saluam esse voluerit, & vigore ipsius Breuis
supradicti, literas validas, firmas, & efficaces existere, &
fore, suosq; plenarios, & integros effectus fortiri, & obti-
nere, & ab omnibus & singulis, quos illæ cōcernunt, in-
uiolabiliter, & inconcussè obseruari voluerit: sicq; per
quoscunq; Iudices Ordinarios & Delegatos, etiā Cau-
sarum Palatii Apostolici Auditores iudicari, & definiri
debere præceperit, & statuerit irritū esse, ac inane, si se-
cus super his, à quoquā, quauis Authoritate, scienter, vel
ignoranter, cōtigerit attentari. Quæ Clausulæ in dicto
Breui, cum Decreto Irritanti positæ, ita claudūt os Ad-
uersæ parti, vt nihil contra Decretū S. Congregationis,
sic à Papa confirmatū, opponi possit. *Gonzalez super Re-
gul: 8. Cancellariæ, nunc 9. glos: 66. n. 52. Rota. Decis: 103. n. 1.
in nouiss: apud Rubeum. &c.* Et ita PP. Soc: & alij Regula-
res soluent Decimas, non prout aliqui de facto faciunt
cum iniuria Cleri secularis, sed prout de Iure ad sol-
uendum sunt obligati.

43. **C**Um Breue vult firmas remanere Transactiones de-
super factas, Quæritur an illæ Transactiones An-
tiquæ ratione Decimarû, si quæ inueniuntur factæ in-
ter Parochos & seculares possessores, possint iuuare Pa-
tres Soc: ita vt moderni Beneficiati, illis exiguis pecu-
nijs, vigore alicuius Cõpositionis, debeant esse cõtenti.

Responsio.

44. **V**bi est eadem ratio, eadẽ & Iuris debet esse Dispositio.
Vnde cum neq; Congregatio, neq; Papa declaraue-
rit huiusmodi Transactiones, pro Interpretatione recur-
rendû est ad Ius Cõmune, quia Papæ Intentio talis esse
presumitur, qualis debet esse de Iure. *Felin. in cap: Causã
qua. n. 5. De Rescriptis. Rota Decis: 96. n. 4. apud Farinaciũ.*
45. In Iure Cõmuni legimus Decretû Pontificium, quod
est tale Alexandri III. *Statuimus, vt si super Decimis in-
ter vos, & aliquam Personam Ecclesiasticã, de assensu Epi-
scopi, vel Archiepiscopi compositio facta fuerit, rata, & in-
concussa persistat. c. 2. De Transactionibus.* Ultra quod
huiusmodi Transactiones super Decimis fieri nõ possũt,
absq; Authoritate Papæ. Et sine ea factæ, nõ egrediun-
tur suum Authorem. *c. De cætero. c. veniens. De Transa-
ctionibus. Rota Decis: 585. n. 1. par: 1. Diuersi:* Et plerumq;
huiusmodi Conuentiones, habent in se Clausulam, *sine
præiudicio Iurium*, quæ facit, vt contractus non restrin-
gatur, nisi ad vitã Parochi, aut alterius Beneficiati, qui
suo Contractu non possunt præiudicare successoribus.
Seraph: Decis: 1278. n. 3. Rota Decis: 30. n. 8. apud Farinaciũ.

Quæ

Quæ cùm ita se habeant, erubescunt profectò Pa-
tres Soc: aut alij Regulares, producere aliquas præteri-
tas temporaneas concordias, quandoquidem illam
suam tam solennem, *Iuramento proprio perpetuæ in fu-
turum Observationis asscuratam*, & per Nuncium cum
facultate Legati de Latere Authoritate Apostolicâ,
ut ille asseruit, confirmatam, impugnare, & per Decre-
ta Rotæ irritare, & inuvalidare præsumpserunt. Cuius
tenor qui sequitur est talis, desumptus ex Authentico
publici Notarij Instrumento.

*Concordia solennis Patrum Soc: Iesu, cum Plebano
Loci Gotsambie: Iuramento confirmata, & tamen
ab ipsdem Romæ impugnata.*

In Nomine Domini, Amen.

PRæsenti publico Instrumento cunctis vbiq; pateat
evidenter, & sit notum. Qualiter à salutifera Na-
tiuitate eiusdem Domini Nostri Iesu Christi, 1632. In-
dictione Romana 15. Die verò Mercurij, 20. Mensis
Octob. Pontificatus autè S^{mi} in Christo Patris, & D.N.
D. Urbani Diuinâ Prouidentiâ Papæ VIII. Anno X.

Coram Illustriss: & Reuerendiss: Domino Comite
Honorato Vicecomite, Dei & Sanctæ Sedis Apostoli-
cæ gratiâ Archiepiscopo Larisseno, & in hoc amplissi-
mo Regno, Magnoq; Lithuanix Ducatu, *cum faculta-
tibus Legati de Latere*, Nuncio Apostolico, pro Tribu-
nali sedente, super quadam sede lignea, ornata, in infra-
dicendo loco posita, quam sedem & locum, pro suis
congruo, & competenti loco, & Tribunali, ad hunc
Actum tantum validè peragendum, elegit & deputauit.

p. 20. In meiq; Notarij publici infraſcripti, & teſtium infraſcriptorum, ad hæc ſpecialiter & expreſſè vocatorum, & rogatorum præſentia, præſentes & perſonaliter conſtituti infraſcripti. *Adm. R. Pater Præmiſlaus Rudnicki, Collegij Soc: Ieſu Craconieñ. Reſtor, cum conſenſu, voluntate, & Authoritate Adm. Reuerendi Patris Gaſparis Druzbicki Societ: Ieſu Prouinciæ Polonæ Prouincialis, ac etiam cum Promiſſione de ratificari faciendo omnia, in præſenti concordia ſiue Tranſactione quomodolibet contenta, per Reuerendos Patres Collegiorum Cracouienſis & Lublinenſis dictæ Societatis, quatenus opus ſit, &c. & non aliàs, &c. Ex vna. Et Rñdus. Dominus Simon Grzybowski Parochus in Gołambie partibus ex altera. Eidemq; Illuſtriſſ. & Reuerendiſſ. D. Nuncio Apoſtolico, ſic vt ſupra pro Tribunali ſedenti expoſuerunt, & inſinuarunt Cauſam & Cauſas, ad præſens Tribunal D. ſuæ Illuſtriſſimæ, in gradu Appelationis, &c. deuolutas.*

Hic Breuitatis cauſa omittuntur ea, de quibus fuit Controuerſia.

Sequitur Cōcordia pro futuris perpetuis temporibus.

50. **Q**Voniam non minoris eſt prudentiæ, & ſagacitatis, futuris prouidere controuerſijs, quàm præteritas extinxiſſe diſcordias, ideò eadem Concordiâ præſenti mediante, volentes partes ſupradictæ, quam nunc amplexi ſunt, perpetuò obſeruare Concordiam. Ideò ratione ſupradictarum Decimarum manipularium, omnis grani & feminis, poſt Cmetones dictarum quatuor villarum ſupramemoratarum, videlicet Zerzyn, Strzyzewice, Pogonow, Parachwina Wola, & prædij
in

in Borisow, licitum erit, uti nunc & in futurum permit-
titur libera Decimatio manipularis dicto Rñdo. Paro-
cho, & eius successoribus in perpetuum; Ex Prædio ve-
rò Zerzyn, contentus erit medietate Decimarum per
omnes Agros, reliquam verò medietatem dictæ Deci-
mæ manipularis, dictis R. Rectori, eiusq; Collegio re-
misit, prout remittit dictus R. Parochus, *citra tamen
præiudicium Iurium quorumcunq; utriusq; partis & Suc-
cessorum.* De Prædio autem Borisow liberam & inte-
gram Decimationem manipularem omnis grani & fe-
minis dictus R. P. Rector nomine sui Collegij cum
consensu ut supra dicti R. Patris Prouincialis, dicto R.
D. Parocho, eiusq; successoribus in perpetuum con-
cesserunt, permiserunt, & extradere, ac extradi facere
promiserunt liberè, &c.

Quæ omnia & singula in præsentī Instrumento
contenta & expressa, dictæ ambæ partes, quibus supra
respectiue nominibus, adinuicem & vicissim promise-
runt semper, & perpetuò seruare, adimplere, & contra
non facere, dicere, vel venire, per se vel alios, directè,
vel indirectè, tacitè, vel expressè, quouis sub prætextu,
colore, Iure, titulo, siue causa, etiam de nouo superue-
niente, cogitatâ, vel excogitatâ, & in corpore Iuris
clausa, quantumuis legitima & rationabili, etiam ex
seipsa de Iure merente Restitutionem in Integrum;
Sed hæc omnia semper inuiolabiliter, & ad vnguem
attendere, & rata, grata, valida, & firma habere, & in
perpetuum tenere, aliàs ultra Præmissorum obseruationem,
ad quam semper cogi & compelli solent, possint
teneri.

p. 22. teneri adinuicem, & vicissim voluerunt ad omnia damna &c. De quibus &c. Pro quibus &c. prædictæ partes, nominibus quibus supra, adinuicem sese, & successores respectiue obligârūt, in ampliori Camera Apostolicæ, seu quauis alia validiori forma. Renūciantes &c. Consentientes &c. cum Clausulis &c. *Et sic tactis per-*
Iuramentū. *toribus more Sacerdotū, & respectiue scripturis iurarūt.*

54. Quibus sic gestis & factis, pro maiori & validiori præsentis Concordiæ, siue Transactionis, & in illa contentorum corroboracione, & perpetua validitate, eadem partes, ab eodem Illustrissimo Dño. Nuncio, sic vt supra pro Tribunali sedente, eandem Concordiam, cum omnibus in ea contentis, Apostolicâ Authoritate recipi, ingrossari, registrari, & admitti, illamq; & in illa contenta, approbari, confirmari, inuiolabiliter ac perpetuò, ac omnes & quoscunq; defectus, si qui interuenerint suppleri, Decreto mediante, non solum præmisso, sed etiam omni alio meliori modo, &c. petierunt, & insteterunt.

55. Successiue, & incontinenti, idem Illustriss: & Reuerendiss: D. Nuncius Apostolicus, prædictis vt supra gestis, optimè perpensis, & maturè consideratis, attendens prædicta potiùs in vtilitatem vtriusq; partis cedere, quàm damnum & præiudiciũ, alijsq; de causis &c. Supra scriptam Concordiam, sic vt supra, tanquam ritè, & legitime initam, & contractam, cum omnibus in ea contentis, Authoritate Apostolicâ, quâ hac in parte fungitur, recepit, & admisit: & per me Notarium & Cancellarium Curie præsentis, in Actis registrari, & ingrossari

ingrossari mandauit, illamq; eadem Authoritate confir-^{p. 23.}
mauit, roburq; validitatis adiecit, supplendo omnes
& quoscunq; si qui interuenerint, tam Iuris quàm
Facti defectus, omni modo meliori, &c. Super qui-
bus omnibus & singulis præmissis, petitum fuit à me
Notario publico infra scripto, vnum, vel plura, Publi-
cum, seu publica, exinde confici, & extradi, toties,
quoties opus fuerit, Instrumentum, & Instrumenta.

Actum Varsoviæ Dioecesis Posnaniensis in Palatio
eiusdem Illustriss. & Reuerend. Dñi Nuncij apud Mo-
nasterium Rñdorum PP. Bernardinorum S. Francisci
de Obseruantia, præsentibus ibidem, & audientibus.
Rñdo D. Thoma Marchione de Recinetto, & Illustr.
D. Paulo Hieronymo de Rubeis Mediolanensi, eiusdē
Illustriss: D. Nuncij Familiaribus, Testibus, ad præ-
missa omnia & singula vocatis, habitis, specialiter atq;
requisitis.

Hanc Concordiam expresse hic ponendam duxi,
non alio fine, quàm vt omnes intelligant, ij præsertim,
qui Decimas manipulares Transactionibus eludere vo-
lent; An suæ temporaneæ Cōpositiones, aliquid in isto
casu valeant, quandoquidem ista tam solennis, quā so-
lenniorē nemo certè producet, ab ipsis Authorib; fuit
impugnata, & Decretis Rotæ nulla, & inualida pronū-
ciata: prout habetur in mea Decima defensa. *n. 151.*
Et talis in posterum iudicaretur, nisi Decreto S. Con-
gregationis, & Authoritate Apostolicā esset in inte-
grum restituta, saluis ijs, quorum Ius Integrum, *per*
Clausulam, successoribus Parochis est reseruatum.

CONCLV-

59. **C**um ita S. Congregationis Eminentiss: Concilij Tridentini Interpretum Beneficio, & autoritate Apostolicâ, Causam Decimarum, contra Patres Soc: Iesu lucratam habeam⁹, ita vt Executioni ipsius nihil obstare possit; vnusquisq; qui se læsum, aut spoliatum in Decimis sentit, recurrat ad suum Illustriss: & Reuerendiss: D. Lociordinarium, qui iuxta mentem S. Congregationis, & ipsius Pontificis Innocentij X. quē Deus incolumem diu conferuet, cum satisfactione vestra, Causas, & lites Decimarum, Iudicio suo terminabit.

60. Quodsi alicui Illustriss: & Reuerendiss: D. Lociordinario, ex rationibus à tenui meo Intellectu non penetratis, visum fuerit, Causas vestras, pro finali earū expeditione, ad Illustriss: & Reuerendiss: D. Nuncium Apostolicum remittere: Neq; ibi de felici Causæ vestræ successu dubitare potestis; Illustriss: enim D. Nuncius, pro innata sibi erga vos humanitate, efficacis defensionis præsidio, iuxta Mandatum Apostolicum, vobis assistet, neq; vos permittet à quoquam quauis Authoritate quomodolibet molestari. *Quin imo in Vestra Causa Decimarum, Contradictores quoslibet, & rebelles, & præmisso Breui Apostolico non parentes, per Censuras & poenas Ecclesiasticas, aliadq; opportuna Iuris & Facti Remedia, appellatione postpositâ, compescet: inuocato etiam ad hoc si opus fuerit Auxilio Brachij secularis. Non obstantibus Contrarijs Quibuscunq; &c. Vt latius in supradicto Breui Apostolico continetur.*

Et sic, cum his remedijs, concludere possumus.

Tandem Bona Causa Cleri Secularis triumphat.

A. M. D. G. Beatæq; V. M. Honorem.

Et hac (saluo meliori Iudicio)

Bono publico dedicauit.

IOANNES MARKIEWICZ I. V. D.
 Canonic⁹ Posnaniens. Præpos. S. Iacobi,
 S. Regiæ Maiestatis Secretarius. m.pp.

ERRATA SIC CORRIGE.

In præfatione in 2. versu deest Illre. Pag. 1. vers. ultimo, scriptum ad quæ, corrige
Ad quas. Pag. 6. vers. ultimo scriptum quidem, corrige quidam. pag. 9. vers. 1. cor-
rige. in. pag. 30. vers. 6. in conventibus. corrige in Proventibus. pag. 47. vers. 4.
commorantur. corrige commorantibus. pag. 51. vers. 19. proposita. corrige postposita.
pag. 53. vers. penult. solo. corrige sola. pag. 72. vers. 7. inuiceret. corrige inscriberet.
pag. 73. vers. 5. Posnaniensis. corrige Posnaniensi. pag. 77. vers. 16. Non est turpe
mutare consilium. corrige Non est turpe cum re mutare consilium. pag. 78. vers. 3.
privati. corrige privato.

AD LECTOREM.

Prioris Editionis Exemplaria pauca autor imprimi fecerat in gratiam Privato-
rum. Postea instantia plurimorum effecit, ut iterum imprimerentur. Si observa-
veris aliquam differentiam, scias factum absente autore. Interim quisquis es, Boni
consule, & æquitatem defende.

